

Բ. Ն. Առաքելյան

Հին ՀԱՅԱՍՏԱՆԻ ՆՅՈՒԹԱԿԱՆ ՄՇԱԿՈՒՅԹԻ ՀԻՄՆԱԿԱՆ ԳԾԵՐԸ

Հայ ժողովրդի պատմության հին շրջանը ընդգրկում է 4-րդ դ. վերջերից մ. թ. ա., մինչև մ. թ. 3-րդ դարը ներառյալ: Դա վերին աստիճանի կարևոր մի դարաշրջան է, երբ ավարտվում է հայ ժողովրդի կազմավորումը, առաջանում և նշանակալից տնտեսական, քաղաքական, կուլտուրական զարգացման է հասնում հայկական պետականությունը: Այդ դարաշրջանում զարգանում է հողագործությունը, մանավանդ ընդարձակվում է ոռոգելի երկրագործությունը, աճում անասնապահությունը, զարգանում են արհեստագործությունը և առևտուրը: Երկրի արտադրողական ուժերի զարգացման շնորհիվ տեղի է ունենում աշխատանքի հասարակական երկրորդ մեծ բաժանումը՝ արհեստը անջատվելով երկրագործությունից՝ կենտրոնանում է քաղաքներում: Առաջանում և նկատելիորեն առաջադիմում են հին Հայաստանի քաղաքները:

Դաջ հայտնի է, որ քաղաքներ Հայկական բարձրավանդակում կային դեռևս ուրարտական ժամանակներում, սակայն նրանք ամայացած ուրարտական թագավորության անկումով և վերացան:

Հին Հայաստանի քաղաքների առաջացումը հետևանք էր երկրի նոր առաջընթաց զարգացման: Առաջին հին Հայկական քաղաքները առաջացան այդ ժամանակ երևան եկած հայկական առանձին պետական կազմավորումների մեջ: Այլարատյան թագավորության կենտրոն Արմավիրը առևտրական ճանապարհներով կապված էր Ատրպատականի, Վրաստանի և Սև ծովի նավահանգիստների հետ և նշանակալից քաղաքական կենտրոն էր դեռևս 4-րդ դ. վերջերում և 3-րդ դ. մ. թ. ա.: Ծովքում, որի միջով անցնում էր Աքեմենյանների արքայական ճանապարհի մի հատվածը, առաջացել էին Արշամաշատ, Արկաթիակերտ քաղաքները, Փոքր Հայքում՝ Կամախը, Մեծ Հայքում՝ Ջարեհավանը, Նուշանուն մի այլ քաղաք ևս, Ջարիշատը և այլ քաղաքներ: Քաղաքաշինությունը մեծ զարկ ստացավ հայկական հողերի միավորումով մեկ միասնական պետության մեջ՝ Արտաշես Ա-ի, մանավանդ Տիգրան Բ-ի ժամանակներում: Հիմնադրվեցին այնպիսի իռոշոր քաղաքներ, ինչպես Արտաշատը, Երվանդաշատը, Տիգրանակերտը: Հին Հայաստանի քաղաքներից հայտնի են նաև Վանը, Նախճավանը, Վարդգեսավան-Վաղարշապատը, Մծուրնը, Տիգրանակերտ և այլ անուններ կրող մի քանի մանր քաղաքներ:

Հին Հայաստանում երկու տասնյակից ավելի քաղաք կար: Երկրի միջով անցնում էին հյուսիսային և հարավային առևտրական մայրուղիները, որոնց վրա գտնվում էին ոչ միայն քաղաքները, այլև զգալի թվով կայաններ, հանգրվաններ, որոնց մի մասը նույնպես առևտրական նշանակություն ուներ:

Հին Հայաստանի քաղաքները շատ բանով նմանվում էին հելլենիստական պոլիսներին, նրանք կառուցվում էին թագավորի կողմից և շրջապատված էին լինում իրենց պատկանող ագարակներով ու դաստակերտերով, որտեղ գտնվում էին ավագանու կալվածքները և ազատ քաղաքացիների հողակտորները: Քաղաքներում էր հիմնականում կենտրոնացած արհեստագործությունը

և առևտուրը: Քաղաքային բնակչությունն ուներ խառը էթնիկ կազմ, այնտեղ բացի հայերից ապրում և առևտրով ու արհեստներով զբաղվում էին հրեաներ, հույներ, ասորիներ, կապադոկյացիները և հարևան հելլենիստական երկրների այլ բնակիչներ: Հայտնի է, որ Տիգրան Բ-ը շարժվելով դեպի արևմուտք, հելլենիստական 12 քաղաքների շուրջ 300 հազար բնակիչներին հարկադրաբար վերաբնակեցրեց Հայաստանի քաղաքներում, մասնավորապես իր հիմնադրած հռչակավոր Տիգրանակերտ քաղաքում¹: Առաջացել էր և քաղաքային ինքնավարությունը, ինչպես հելլենիստական քաղաքներում:

Հայտնի է, որ Հայաստանը ընկած լինելով նվաճողական հզոր Հռոմի և պարթևական, ապա սասանյան տերությունների միջև, այնուամենայնիվ կարողանում էր պահպանել իր, եթե ոչ կատարյալ անկախությունը, ապա գոնե ինքնուրույնությունը: Ինչով կարելի է բացատրել այդ սոսկ ժողովուրդի ազատասիրությունը կամ մարտական ոգու առկայությունը: Պարզ է, որ դա անհիմն կլիներ: Երա համար ամենից առաջ անհրաժեշտ էին տնտեսական ու քաղաքական զարգացման որոշ մակարդակ, զորք ու զենք, տնտեսական ու ռազմական կարողություն՝ որպեսզի կարելի լիներ դարեր շարունակ դիմակայել երկիրը զավթել ձգտող հզոր թշնամիներին:

Հայաստանը դեռևս 4-րդ դարի վերջերից մ. թ. ա. շփվում է հելլենիստական աշխարհի հետ և ժամանակի ընթացքում այդ կապերը ավելի ու ավելի սերտ են դառնում: Սելևկյան թագավորության առաջացումից հետո, մինչև 189 թ., Հայաստանի մեծ մասը մտնում էր այդ թագավորության մեջ: Անկախություն ձեռք բերելուց հետո Հայաստանը սերտ կապեր պահպանեց ոչ միայն Սելևկյան, այլ Պաթերական թագավորությունների և Փոքր Ասիայի հելլենիստական մյուս երկրների հետ:

Տիգրան Բ-ի ժամանակ նրա թագավորության սահմաններում գտնվում էին Փոքր Ասիայի մի մասը, Հյուսիսային Միջագետքը, Կիլիկիան, Ասորիքը՝ Սելևկիանների Անտիոք մայրաքաղաքով հանդերձ:

Հետագայում ևս Հայաստանը սերտ կապեր ուներ հարևան երկրների՝ Կովկասի, Իրանի, Միջագետքի և արևմուտքից հարևան հելլենիստական երկրների, իսկ մի փոքր ավելի ուշ Հռոմին ենթակա արևելյան երկրների հետ:

Երկրի հասարակական-տնտեսական և քաղաքական զարգացման մակարդակը և նրա պատմական միջավայրը կանխորոշում էին Հին Հայաստանի մշակույթի ինչպես մակարդակը, նույնպես և բնույթը: Այդ մշակույթը զարգանում էր հին արևելյան ակունքներ ունեցող Հալկական հնամենի մշակույթի արմատների և նոր առաջացած ստրկատիրական հարաբերությունների հիման վրա, ընդունելով դրանց համապատասխան կենսաբանք և իր ձևով ու բովանդակությամբ հարստանում էր հելլենիստական Արևելքի երկրների հետ ունեցած տնտեսական քաղաքական և մշակութային բաղկանաչափ ընդարձակ կապերի ու շփումների շնորհիվ:

Հին Հայաստանի մշակույթի մեջ որոշակիորեն երևան են գալիս երկու ուղղություն՝ հնամենի ժողովրդականը և նոր առաջացած հելլենիստականը:

Հին արևելյան արմատներ ունեցող և ավանդական բնույթ ստացած ժողովրդական ուղղության զարգացումը հարատևում և անընդհատ վեր ելնող գծով շարունակվում է և հետագայում: Այդ ուղղությունը երևան է գալիս հա-

¹ Strabo, XI, 14, 15, XII, 2, 9.

սարակական կյանքի, կենցաղի, նյութական մշակույթի, արվեստի և աշխարհայացքի տարրեր բնագավառներում: Այն գրսևորվում է ճարտարապետական ավանդական ձևերի մեջ, քարից, կավից, փայտից և մետաղներից պատրաստված կուռքերի, անոթների և կենցաղային առարկաների մեջ, դեմոստների և արդ ու զարդի մեջ, ժողովրդական տոների, հանդեսների, թաղման և այլ ծեսերի մեջ, հայկական հարուստ առասպելաբանության մեջ, որի գոհարներից են Հայկի և Բելի, Արա Գեղեցիկի և Շամիրամի, Տորք Անգեղի և Աժ-դահակի, Վահագնի և Աստղիկի, Արտաշեսի և Արտավազդի վերաբերյալ զբոսայգիները: Հին Հայկական ժողովրդական մշակութային ուղղությանն են վերաբերում նաև 360 թ. տոմարը և հին տոմարական հասկացողությունները, երկնային մարմինների վերաբերյալ եղած հնամենի պատկերացումները, պաշտամունքային և առաջին հերթին բնապաշտական ըմբռումները, վերջապես մեհենական նշանները և արամեական գրերի օգտագործումը և այլն:

Երկրորդ ուղղությունը հին Հայկական մշակույթի մեջ՝ հելլենիստականը առաջանում է դեռևս 3-րդ դ. մ. թ. ա. և շարունակելով զարգանալ, հարատևում է մինչև 3-րդ դ. մեր թվ.:

Մինչև վերջին տասնամյակը այդ մշակույթի մասին մենք քիչ բան գիտեինք, այն էլ առավելապես հին հունական, լատինական և հայկական գրավոր աղբյուրների հաղորդած տեղեկությունների շնորհիվ: Հայտնի է, որ դեռևս 3-րդ դ. մ. թ. ա. Ծոփքում կտրվել են առաջին հայկական դրամները, որոնք ունեցել են հունական մակագրություններ: Նույն 3-րդ դ. մ. թ. ա. սկսվում է հունարեն գրերի օգտագործումը հալ ավազանու շրջաններում: Հայոց թագավորները, սկսած 2-րդ դ. մ. թ. ա. թողել են մի շարք հունարեն արձանագրություններ: Միավորված հայկական թագավորության գահակալները՝ Արտաշեսը, մանավանդ Տիգրան Բ և Արտավազդը հովանավորում էին հելլենիստական մշակույթը, որի զարգացմանը, ինչպես իրավացի նկատել է Հ. Մանանդյանը, մեծապես նպաստեց Տիգրանակերտ քաղաքի հիմնադրումը²: Պատահական է արդյոք, որ Տիգրանակերտում ապաստան գտավ Աթենքից փախած հուդևական հեռուստր Ամֆիկրատր³, որ Տիգրանի արքունիքում ապրում էր նշանավոր փիլիսոփա և գրող Մետրոդոր Ակապասցին⁴, որը գրել է Տիգրանի մանրամասն պատմությունը, թեև դա մեզ չի հասել: 53 թ. Արտաշատի հելլենիստական թատրոնում Արտավազդ Բ բեմադրեց հույն հուդևական ողբերգակ Եվրիպիդեսի «Բաքոսուհիները», հույն դերասանների, դրանց թվում և Յասոնի մասնակցությամբ⁵: Հելլենիստական թատրոն կար և Տիգրանակերտում: Արտավազդ Բ ինքը գրել է ողբերգություններ, պատմական գործեր և ճառեր՝ հունարեն լեզվով⁶: Տիգրան Բ. և նրա հետնորդները հատել են դրամներ՝ իրենց դիմանկարներով, ավանդական թագերով, բայց հունարեն մակագրություններով ու քառաձի կառքով: Ուստի ուշագրավ է այն հանգամանքը, որ հայկական աստվածների պանթեոնը կերպարանափոխվեց, համադրվելով հունական պանթեոնի հետ: Այդ կապակցու-

² Հ. Մանանդյան Տիգրան Բ և հոմբ, Երևան, 1940, էջ 67:

³ Plut. Lucull, 22, 7.

⁴ Նույն տեղում 22, 7:

⁵ Георг Гоян, 2000 лет армянского театра, т. I, Москва, 1952, գլուխ առաջին և երկրորդ:

⁶ Plut. Crassus, XXXIII.

թվամբ հելլենիստական երկրներից, բերվեցին և հայկական մեհյաններում դրվեցին աստվածների արձաններ⁷։

Հայկական միջավայրում հայտնի էին, նույնիսկ հարգի էին հունական առասպելներ⁸։ Հայաստանում կառուցվել են հունա-հուռական ոճի շենքեր, որոնցից լալնորեն հայտնի է Գառնիի հեթանոսական հոյակապ տաճարը։

Վերևում նշված փաստերը վկայում են հին Հայաստանի մշակույթի նկատելիորեն բարձր մակարդակի և բազմակողմանիության մասին։ Սակայն հին Հայաստանի նյութական մշակույթը դեռևս վատ է ուսումնասիրված։ Տարօրինակ է, որ տաս տարի առաջ Մոսկվայում մեր առաջագրած թեզը այն մասին, թե Հայաստանը եղել է հելլենիստական մշակույթի օջախներից մեկը, հանդիպեց մի շարք գիտնականների թերահավատությունը։

Այս պայմաններում առանձին նշանակություն են ստանում հին հայկական Վաղարշապատ քաղաքի պեղումները, որոնք սահմանափակ ժամալով կատարվեցին 1928—1931 թ. թ., և մանավանդ Գառնիի ամրոցի պեղումները, որոնք սկսվեցին 1949 թ. և կշարունակվեն առաջիկա տարիներին։

Վաղարշապատում բացվել են մի քանի տասնյակ դամբարաններ, որոնցից հին գերեզմանոցում։ Դամբարաններում հայտնաբերվել են 2-րդ—4-րդ դարերի իսկանդեր և ապակյա անոթներ, զանազան զարդեր։ Մի քանի դամբարանում եղել են նաև կավե թրծած սարկոֆագներ, խնոցու կամ կոշիկի ձևի։

1958 թ. Վաղարշապատում Հեփիսիմե տաճարի վերանորոգման ժամանակ հիմքերի տակ՝ ներսից ճարտարապետ Ա. Սահինյանը հայտնաբերեց Գառնիի հեթանոսական տաճարի քանդակներին հար և նման քանդակներ կրող երեք քար, բայց ոչ թե բազալտից, այլ տուֆից, որոնք վերցված են Վաղարշապատում եղած հեթանոսական ժամանակների ինչ որ շենքից և շրջված վիճակում դրվել են քրիստոնեական տաճարի հիմքերում⁹։

Հին Հայաստանի նյութական մշակույթը ուսումնասիրելու տեսակետից հատուկ նշանակություն ունեցան Գառնիի սիոտեմատիկ պեղումները։ Դրանցով փաստորեն սկսվեց այդ մշակույթի ժամալուն հայտնաբերումը և ուսումնասիրությունը։

Գառնիում բացվել են ամրոցի պարիսպը՝ իր 14 հզոր աշտարակներով, դղյակային պալատական շենքերի մնացորդներ (տե՛ս նկ. 1), դրանց ճարտարապետական հարդարանքների, ինչպես և արձանների ու հարթաքանդակների մարմարե բեկորներ։ Պեղվել է նաև 80-ից ավելի դամբարան 1—3-րդ դարերի։ Ամրոցում, մանավանդ դամբարաններում գտնվել են հարուստ և բազմակողմանի հնագիտական նյութեր՝ մետաղե գործիքներ, զենքեր, կավե և ապակե անոթներ, կենցաղային առարկաներ, զարդեր և այլն¹⁰։

⁷ Մովսիս Խորենացու Պատմություն Հայոց, Տիգրիս, 1913, էջ 89—90։

⁸ Նույն տեղում, էջ 122—123։

⁹ Պրոֆ. Աշխարհբեկ Բալանթար, Հին Վաղարշապատի պեղումները, Երևան, 1935։

¹⁰ Б. Н. Аракелян, Гарни I, Результаты работ археологической экспедиции Института истории АН Арм ССР 1949—1950 гг. Ереван 1951: Նույնի Гарни II. Результаты работ Гарнийской археологической экспедиции 1951—1955 г. (античный период) Ереван 1957. Նույնի Значение раскопок в Гарни для изучения культуры древней Армении, ВДИ № 3 1953: Նույնի Мозаика из Гарни. ВДИ № 1, 1956.

Г. А. Тирациян, Материальная культура Армении первых веков н. э. по данным некрополя и бани в Гарни (автореферат) Ленинград 1956.

Գառնիի տնտիկ ժամանակաշրջանի հուշարձանների ուսումնասիրությունը՝ նույն ժամանակաշրջանի տյտեղից-աշտեղից վաղորժ հայտնի նյութերի համադրությամբ հնարավոր է դարձնում ավելի ճիշտ պաղապարկազմելու հին հայկական մշակույթի, նրա դարգացման մակարդակի ու բնույթի մասին և ավելի հստակ պատկերացնելու վերևում՝ նշված երկու ուղղությունները նրա մեջ: Համառոտակի նշենք այդ ըստ մշակույթի տարբեր բնաղապաները:




Նկ. 1. Գառնիի ամրոցի հատակագիծը պեղումներից հետո:

Ճարտարապետություն: Հին հայկական ժողովրդական ուղղությունը ճարտարապետություն մեջ ներկայացնում է աշակես կոչված կիրկուպյան շարվածքի դորժադրությունը՝ անտաշ կամ ճեղքված քարից ամրոցներ, հասարակական և բնակելի շենքեր կառուցելիս: Նման կառուցվածքների մնացորդներ կարելի է դիտել հին Արմավիրում, Երվանդաշտում, Փարաքարի մոտ հայտնի դարձած պաշտամունքային շինության մեջ և այլուր: Հեթանոսական տաճարների հիմնական տիպը եղել է քառանկյունի երկարուկ միանավ շենքը, դոհասկանի տեղադրությամբ նրա արևմտյան ծայրում¹¹: Հնից են գալիս նաև յոլորակ աշտարակաձև պաշտամունքային շենքերը, որոնց մնացորդները գտնում ենք Փարաքարում և Աղափնատնում: Բնակելի շենքերը եղել են քառանկյունի, յոլորակ, փայտյա հարթ կամ քարերից, հնարավոր է նաև փայտյա զերաններից կազմված թաղակապ, հաճախ էլ կենտրոնական երկրկալոր ծածկով: Երվանդաշտում մենք տեսել ենք քառանկյունի շենքերի մնացորդներ, որոնց անկյունները ունեն ուղղանկյուն աշտարակաձև հավելվածներ:

¹¹ Ա. Ա. Սահինյան, Քասաղի բաղիլիկայի ճարտարապետությունը, Երևան, 1957, էջ 231:

Հելլենիստական ճարտարապետական ուղղությունը առայժմ մեղ հայտնի է գերազանցապես Գառնիի ճարտարապետական կոմպլեքսով:

Գառնի ամրոցի պարիսպը բացելու ժամանակ հայտնաբերվել են շինարարական երկու շրջանի՝ սկզբնական շարվածքի (3-րդ դ. մ. թ. ա.) և Տրդատ 1-ի կառուցած պատի (1-ին դ. մ. թ.) մնացորդները: Երկու գեպքերում էլ պատը կառուցվել է բազալտե լավ տաշած քարերից (նկ. 2), որոնք իրար հետ ամրացված են երկաթե գամերով, իսկ սրանց ծալքերը, որոնք մտնելով քարերի վրա լիորված բների մեջ, լցված են արճճի ձուլվածքով: Նախնական շարվածքը տարբերվում է 1-ին դարի շարվածքից քարերի ավելի խնամքով, համարյա ողորկ տաշվածքով և միջին տեղ է գրավում 1-ին դարի և ուրարտական նուշնատիպ, բայց շատ ավելի խնամքով մշակված քարերով շարվածքների միջև: Բայց Գառնիի պարսպի սկզբնական շարվածքը ավելի կապվում է հելլենիստական շրջանի անշաղախ շարվածքի, քան ուրարտականի հետ:



Նկ. 2. Գառնի ամրոցի արևելյան պարսպի մի հատվածը:

Գառնի ամրոցի պատը տեղադրված է ոչ թե ուղիղ գծով կամ աղեղնաձև, որին չէր խանգարի տեղանքը, այլ բեկ-բեկ դժերով և բաժանվում է հինգ ստանձին պաշտպանական հատվածների: Այդ հանդամանքը հնարավորություն էր ընձևոտում ամրոցի պաշտպաններին ըստ անհրաժեշտություն իրենց հիմնական ուժերը կենտրոնացնել այս կամ այն պաշտպանական հատվածում, նայած թե որտեղ էր վտանգը ավելի սպառնալից դառնում:

Գառնի արքայական ամրոցի պարիսպը, որը վեր է խոլանում Աղատ գետի խորը ձորի գլխին և շարված է մի քանի տոննա կշռող, լավ մշակված բազալտյա քարերով, իր կառուցողական տեխնիկայով, պատի թանձրությունով

(2,075), հզոր աշտարակների վերին աստիճանի խիտ (9—13 մ) դասավորությունով, հատորեն առանձին պաշտպանական հատվածների բաժանվածությամբ՝ հանդիսանում է հին Հայաստանի ռազմական ամրոցաշինություն մի երևելի ու կատարյալ հուշարձան:

Հելլենիստական ճարտարապետության նշանավոր հուշարձան է Գառնիի հեթանոսական տաճարը: Բարձր հարթակի վրա կանգնեցված և չորս կողմերից հոնիական օրդերի սյուներով (6×8) շրջապատված սյդ հույկապ շենքը կառուցված է բազալտե սրբատաշ քարերով: Տաճարի քիվերը, սյուների խոյակները, խոյակից-խոյակ ձգվող և քիվր իրենց վրա կրող արևի-տրավային քարերը, տաճարը շրջանցող գոտին, դռան բացվածքը, և սյունաշարի ծածկը (պլաֆոն) շքեղորեն զարդարված են բարձրարվեստ քանդակներով¹²: (նկ. 4): Բնորոշ է, որ հունա-հռոմեական ոճի այս տաճարը ավելի հելլենիստական է, քան հռոմեական:

Գառնիի հեթանոսական տաճարը մտնում էր ամրոցի պալատական կոմպլեքսի մեջ, որից պեղումների հետևանքով բացվել է ևս երեք շենք: Դրանցից առաջինը քառանկյունի երկարուկ սրահ է 9,7 մ լայնքի (մաքուր չափը, առանց պատերի), որի կենտրոնական անցքով անցել է սյունաշար: Տեղում պահպանվում են սյուների խարիսխների տակի երկու սալաքարերը: Ծրահի երկայնքը դեռևս որոշված չէ, որովհետև նրա պեղումները ավարտված չեն և շենքի հարավ-արևելյան ծայրը գտնվում է հեթանոսական տաճարի ընկած բեկորների տակ: Սրահը տեղադրված է հեթանոսական տաճարի կողքին՝ նրանից քիչ դեպի արևմուտք. 7-րդ դ. տաճարի և նրա միջև կառուցվել է քառախորան զմբեթավոր եկեղեցի, որի հիմքերը կտրում անցնում են դահլիճի սրահը, նրա հարավ-արևելյան անկյան մոտ: Այսպիսով պարզվում է, որ այդ շենքը 7-րդ դարում՝ եկեղեցին կառուցելու ժամանակ, արդեն ավերված էր:

Նկարագրված շենքի կողքին, նրանից դեպի հյուսիս, 1956—1959 թ. բացվել են երկհարկանի պալատական շենքի փլատակները: Վերին հարկից ոչինչ չի մնում, իսկ ներքնահարկի մի մասը լավ է պահպանված, մյուսը՝ վատ, տեղ-տեղ նույնիսկ հիմքերի հետքերը չեն մնում: Անուամենայնիվ շենքի հատակագիծն ընթերցվում է: Պալատական այս կառուցվածքը կենտրոնական առանցքով անցնող մի պատով բաժանվում է երկու թևի՝ արևելյան և արևմտյան, յուրաքանչյուր թևում ունենալով հնգական սենյակ:


Ներքնահարկում զետեղված են եղել տնտեսական նշանակություն ունեցող բաժանմունքներ, դրանց թվում խաղող ճզմելու հնձան, մառան և մի սենյակում ջուր պահելու հոր՝ փորված հատակի տակ:

Շենքը կառուցված է ճեղքված քարից՝ կրաշաղախով, բայց առավել կարևոր մասերում, օրինակ անկյուններում, պատուհանի և դռների բացվածքներում օգտագործել են հատուկ ձևի (կղմինդրը հիշեցնող) աղյուսներ և սըրբատաշ քարեր: Շինարարական այս տեխնիկան բնորոշ է 2—3-րդ դարերի համար:

Պալատական կոմպլեքսի մեջ էր մտնում նաև մոզալիկ հատակով բաղ-նիքը, որի ավերակները բացվել են 1953—1954 թ. թ.: Բաղնիքը բաղկացած

¹² Ճարտ. Ն. Բունիաթյան, Հեթանոսական տաճար Տրդատի պալատին կից Գառնիի ամրոցում, Երևան, 1953.:

է չորս բաժանմունքից, որոնք դասավորված են միեւնոյն առանցքի վրա: Հարավ արեւմտյան ճակատում գտնվել է հնոցի բացվածքը, որին կից սենյակում պահպանվել է սառը ջրի ավազանի հատակը: Նույն սենյակի մի մասը, որը կիսաշրջանակաձև խորան ունի և նրան կից հաջորդ երկու բաժանմունքները ծառայել են իբրեւ հանգստարան-հանդերձարան և կիսաշրջանակաձև խորանում ունեցել է սառը ջրի փոքրիկ ավազան՝ լողանալու համար: Բաղնիքի կառուցումից փոքր ինչ անց նրան կցել են մի առանձին հանդերձարան, որը արդեն միեւնոյն առանցքի վրա չի տեղադրված (նկ. 3):



Նկ. 3. Գառնիում բացված բաղնիքի հատակագիծը (III-դ)

Բաղնիքը ունեցել է կրկնակի հատակ. ստորին հատակը լցված է կրաշաղախով, որի վրա կանգնեցված են հենակներ, կլոր աղյուսներեց, որոնց վրա հենվում է վերին հատակը: Ծուխը և տապը հնոցից մտնելով վերին հատակի տակ, տաքացնում էին բաղնիքը: Բաղնիքը նույնպես կառուցված է ճեղքված, կարեւոր մասերում սրբատաշ քարերով և կղմինդրաձև աղյուսներով՝ կրաշաղախի օգնութեամբ:

Բաղնիքի հանդերձարանի հատակը խճանկար է՝ կազմված 15 կրանդի մանրիկ քարերից (1 քառ. մետրի մեջ մոտ 35—40 հազար քար): Ծովի կանաչավուն ֆոնի վրա պատկերված են՝ կենտրոնում քառանկյունի գունազեղ շրջանակի մեջ Օվկիանոսը՝ եղջյուրավոր մարդու և Ծովը ($\Theta\Lambda\Lambda\Lambda\text{C}\{\text{C}\}\text{A}$)՝ կնոջ կիսանդրու տեսքով: Կենտրոնական ալյա առանցքի շուրջ պատկերված են առասպելական արարածներ՝ իսթիոկենտավրոնների տեսքով (զլուխը և իրանը մարդու, ձիան առջևի ոտքերով և ձկան տուտով), սրանց մեջքերին նստած են ծովային գուշակ ծերունի Ներեոսի դեղանի դստերը՝ Ներեիդները (նկ. 4.), պատկերված են նաև ձկներ, ձկնորսներ, աստվածներ, որոնց թվում սիրո աստված էրոսը, սիրո համոզման և պերճախոսութեան աստվածուհի Պիթոն, ցանկութեան աստված Պոթոսը: Կենարար ջուրը, կյանքի առաջացում,

հարատևություն, սեր և վայելք՝ ահա Գառնիի խճանկարի բովանդակությունը։ Ուշագրավ է, որ Յ-րդ դարի այս խճանկարի վրա հելլենիստական գծերը երևան են գալիս բավականաչափ ցայտուն կերպով, իսկ հռոմեական տարրեր նկատելի չեն։ Գառնիի խճանկարը ինչպես իր սյուժեով, նույնպես և արվեստով Հին Հայաստանի ուշ հելլենիստական մոնումենտալ գեղանկարչության հազվագյուտ և բացառիկ արժեքավոր հուշարձան է¹³։

Գառնիի պալատական դղյակային կոմպլեքսի մեջ մտնող շենքերը ներսում ունեցել են նաև ճարտարապետական հարդարանք՝ մարմարե արձաններ, խորշեր, ավազաններ։ Այդ են վկայում պեղումների ժամանակ հիշյալ շենքերում գտնված մարմարե արձանների և մինիատյուր չափսերի քիվերի բազմաթիվ բեկորները։

Գառնիի բնակելի պալատական շենքը և բաղնիքը իրար ժամանակակից են և իրենց առանձնահատկություններով, շինարարական տեխնիկայով, պեղումների ժամանակ գտնված իրերով և մոզայիկ հատակի օգնությամբ լավ թվագրում են Յ-րդ դ. վերջով։

Քանդակագործություն.— Հին Հայաստանի քանդակագործության նմուշներից մեկ համարյա ոչինչ չի հասել, այնուամենայնիվ գրավոր աղբյուրների վկայությունները և որոշ նյութական մնացորդներ ցույց են տալիս, որ այս բնագավառում ևս ժողովրդական և հելլենիստական երկու ուղղությունները առկա են եղել։ Հին Հայաստանի հեթանոսական մեհյաններում դրվում էին աստվածների արձաններ-կուռքեր, որոնց մասին մենք ունենք գրավոր աղբյուրների բազմաթիվ վկայություններ։ Դուռքերը կերտվում էին քարից, փայտից, մետաղներից։ Այդ առթիվ վկայություններ պահպանել է Մովսես Խորենացին, Ագաթանգեղոսը, Հովհան Մամիկոնյանը։ Արձանները կանգնեցված էին Արմավիրում՝ Արևի և Լուսնի¹⁴ և այլն, բազմաթիվ արձաններ մյուս քաղաքներում, բերդերում, ավաններում։

Ի պատասխան Տրդատ Գ-ի հարկադրանքի հեթանոսական աստվածներին պաշտելու, քրիստոնեությունը ծածուկ պաշտող Գրիգորը պատասխանում է՝ «Վասն դիցն թէ ասես, զոր կոչես դու աստուածս՝ ստոյգ իսկ են հաստուածք. վասն զի հաստեալք են ի մարդկանէ և եղեալք պատկերք ի ձեռաց ճարտարի. ոմն փայտեայք են և ոմն քարեայք. ոմն են պղնձիք և ոմն են արծաթիք, և ոմն ոսկիք...»¹⁵։ Ապա Գրիգորը հորդորում է Տրդատին հրաժարվել կռապաշտությունից «... ի բաց թողէք այսուհետև զպղծութեան պաշտամունսդ, զքարեղէն և զփայտեղէն, զարծաթեղէն և զոսկեղէն պղնձաձոյլ պատկերացդ, զի սուտ են և սնտոի»¹⁶։

Քրիստոնեությունը ընդունելուց հետո «Գրիգոր թագաւորաւն հանդերձ» փշրում ոչնչացնում են Անահիտի և Տիրի արձանները Արտաշատում¹⁷, Անահիտի մյուս արձանը՝ Երեզ ավանում¹⁸, Զևսի կամ Արամազդի արձանը՝ Անի ամրոցում¹⁹ (Եփրատի ափին), Միհրի արձանը՝ Բագահառիճում²⁰, Բարշամի-

¹³ Б. Н. Аракелян, Мозанка из Гарни, ВДИ, № 1, 1956.

¹⁴ Մովսիսի Խորենացույ Պատմություն Հայոց, Տփղիս, 1913, էջ 117։

¹⁵ Ագաթանգեղայ Պատմություն Հայոց, Տփղիս, 1909 էջ 40։

¹⁶ Նույն տեղում, էջ 121։

¹⁷ Նույն տեղում, էջ 404։

¹⁸ Նույն տեղում, էջ 409—410։

¹⁹ Նույն տեղում, էջ 409։

²⁰ Նույն տեղում, էջ 411—412։

նալի արձանը՝ Դարանագլաց գավառի Խորղան գոթոլում²¹, Նանեի արձանը՝ Թիլ ավանում²², Վահեվահյան Վահագնի, Ոսկեհատ Ոսկեմոր (Անահիտի) և Աստղիկի բազիլիկները (արձանները) Տարոնի Աշտիշատ կոչվող սրբավայրում²³, Ամանոր և Վանատուր Աստվածների արձանները Իագավանում²⁴, Գիսանէի և Դեմետրի արձանները Տարոնում²⁵:

Ամփոփելով իր խոսքը հեթանոսական մեհյանների և նրանց մեջ դրված բազիլիկների (կուռքերի կամ արձանների) մասին, Ագաթանգեղոսը գրում է. «Եւ այսպէս ի բազում տեղեաց բառնալին զգալթակղեցուցիչսն անմոռնչս, զձուլեալսն, կռեալսն, կոփեալսն, քանդակեալսն, անպիտանսն, անօգուտսն, վնասակարսն, արարեալսն անմտությամբ ցնորեւոց մարդկան, դարձեալ սրտի մտօք ի հաւատսն հաստատեալք»²⁶:

Ուրեմն արձաններ շատ կալին, որոնք պատրաստված էին քարից, փայտից, մետաղներից, դրանք ձուլածո էին, կռածո, քանդակված: Անահիտի արձանը Աշտիշատում և Երեզ ավանում ձուլյ ռսկուց էր պատրաստված: Վերջինիս մասին պատմահայրը վկայում է. «Գրիգոր թագաւորաւն հանդերձ, փշրէին զոսկի պատկերն Անահտական կանացի դիցն»²⁷:

Այս արձանների մեծ մասը տեղում էր պատրաստված: Խորենացու ասելով Վաղարշակ թագավորը «Մեհան շինեալ յԱրմաւիր՝ անդրիս հաստատէ արեգական և լուսնի և իւրոց նախնեացն»²⁸: Ուրեմն բացի աստվածների արձաններից եղել են թագավորների և նրանց նախնիների արձանները: Դրանց մասին մենք թերեւ կարող ենք գաղափար կազմել Դվինի մոտ գտնված մի տուֆակերտ արքայական գլխի օգնություն, համադրելով այն հարեւան Կոմագենում՝ Նեմրութ-դաղում գտնված արձանների հետ²⁹: Տեղական արձանների թվին պետք է վերագրել նաև Դեմետրեի և Գիսանեի արձանները, որոնք ձուլված էին բրոնզից: Դրանցից առաջինը «հնգեւտառան կանգուն էր» (7,5 մետրից ավելի), իսկ երկրորդը նույնպես «պղնձի էր, երկուտասան կանգուն երկայնութեամբ և երկու կանգուն և թզաւ լայնութիւն»³⁰: Դվինում և նրա մերձակայքում գտնվել են տուֆ քարից կերտված տեղական ոչ բարձրարվեստ արձանների գլուխներ, քոլոդի նմանվող հարթ գլխարկներով, իսկ մի փոքր չափի գլուխ գլխարկ չունի և բոլորովին անմազ է:

Հայաստանում եղել են և զղալի թվով հելլենիստական բնույթի արձաններ: Դրան մեծապես նպաստեց հայկական պանթեոնի համադրությունը հունականի հետ, որը թույլ էր տալիս դրսից՝ հունա-հելլենիստական աշխարհից բերել արձաններ և զետեղել հայկական մեհյաններում: Այդ առթիվ ուղղակի վկայութուններ է պահպանել Մովսես Խորենացին, որը, հիշատակում է նաև՝ երկու հույն քանդակագործների անունները: Խոսելով Արտաշեսի «լիւգացւոց» երկիրը արշավելու մասին, Խորենացին գրում է.

²¹ Նույն տեղում, էջ 408:

²² Նույն տեղում, էջ 410:

²³ Նույն տեղում, էջ 421—422:

²⁴ Նույն տեղում, էջ 435:

²⁵ Հովհան Մամիկոնյան Պատմութիւն Տարոնոյ, Երևան, 1941, էջ 97—98:

²⁶ Ագաթանգեղայ, Պատմութիւն. էջ 410:

²⁷ Նույն տեղում, էջ 409—410:

²⁸ Մովսիսի Խորենացւոյ Պատմութիւն. էջ 117:

²⁹ Г. Тирацян, страна Коматена и Армения, «Տեղեկագիր», № 3—1956 թ.:

³⁰ Հովհան Մամիկոնյան, Պատմութիւն Տարոնոյ, էջ 97—98:

«Եւ գտեալ լՍսիալ պղնձաձոյլ ոսկեղոծ պատկերս գլխտեմիդեայ և զՀերակլեայ և զԱպողոնի՝ տալ բերել յաշխարհս մեր, զի կանգնեացեն յԱրմաւիր: Զոր առեալ քրմապետացն, որ էին յազգէն Վահուենաց՝ զԱպողոնին և գլխտեմիդայն կանգնեցին յԱրմաւիր, իսկ զՀերակլեայն զառնապատկերն, որ արարեալ էր ի Ալիւդեայ և ի Դիպինոսէ կրետացւոյ, զՎահագն իւրեանց վարկանելով նախնի՝ կանգնեցին ի Տարօն, յիւրեանց սեպական զիւղն յԱշտիշատ. յետ մահուանն Արտաշիսի»³¹:

Փոքր Ասիայից բացի, արձաններ բերվել են նաև Հունաստանից, Վալց և յնչլադայ առեալ պատկերս զԴիոսի, գլխտեմիդեայ, զԱթենայ, զՀեփեստոս, զԱփրոդիտեայ՝ տալ բերել ի Հայս. որք ոչ ժամանեալ միջամուխ լինել յաշխարհս՝ լսեն զքոթ մահուանն Արտաշիսի. և փախուցեալ ընկենուն զպատկերսն յամրոցն յԱնի. և քուրմք զնոցին զհետ լինելով. դադարեն առ նոսա»³²:

Ուշագրավ է Սորենացու պատմածը նաև Տիգրան Բ-ի մասին: Տիգրանը կամենում է մեհյաններ շինել ի իր մոտ եկած հույն քուրմերի խորհուրդով կանգնեցնում է արձաններ Հայաստանի արևմտյան մասում՝ «գլխտեմիդեայ պատկերն Դիոսի [Ոլիմպյան Զևսի պատկերը] յամուրն յԱնի, և զԱթենայն ի Թիլ, և զԱփրոդիդայ զմիւս պատկերն-յնրիդայ, և զԵփեստոսն ի Բագայառին: Եւ այց զԱփրոդիտեայ զպատկերն իբրև Հերակլեայ տարփաւորի, առ նորին պատկերին Հերակլեայ հրամայեաց կանգնել յաշտից ակդիսն»³³:

Տիգրանը մեհյաններ է կառուցել տալիս, նրանց առջև արձաններ է կանգնեցվում և պարտավորեցնում է ամենքին երկրպագել: Այնուհետև Վալցն իջան է Միջագետս, և գտեալ անդ գհարշամինայ զպատկերն, զոր ի փղոսկրէ և ի բիւրեղէ կազմեալ էր արծաթով՝ հրամայէ տանել կանգնել յաւանին թորդն»³⁴:

Դրսից բերված այս արձանները հելլենիստական արձանագործության միակ խումբը չէին Հայաստանում: Պեճ է ենթադրել. որ նրանց նմանություն արձաններ կերտվում էին և տեղում: Այս հելլենիստական ուղղությանը պատկանող արձաններից որոշ ֆիացորդներ հայտնաբերվել են: Հայտնի է այսպես կոչվող Անահիտի բրոնզի արձանի զլուխը (նկ. 5), որը գտնվել է Արևմտյան Հայաստանում և պահվում է Բրիտանական թանգարանում: Բարձրը Հայքում գտնվել է մի մարմարե արձանի ձեռքի թաթը, Գառնիում գտնվել են մարմարե արձանների և բարեկեփների բեկորներ: Դրանցից մեկը մարմարե արձանի ծնկի ցածի մասն է, և նրա չափերից երևում է, որ արձանը ունեցել է 1,40—1,50 մ. բարձրություն: Հետագա պեղումները Հին Հայաստանի նշանավոր կենտրոններում, անշուշտ, երևան կբերեն նաև արձանագործության նոր նյութեր: Հին Վաղարշապատի Գառնիի պեղումների ընթացքում գտնվել են նաև տերակոտային (կավե թրծած) արձանիկներ, որոնք նորույթ լինելով Հայաստանում, միաժամանակ բնորոշ են հելլենիստական մշակութային ուղղության համար:

Գառնիի պեղումների շնորհիվ երևան են բերվել զգալի քանակությամբ նյութեր, որոնք բնութագրական են նյութական մշակույթի մի շարք բնագավառների համար:

³¹ Մովսիսի Սորենացույ Պատմութիւն Հայոց, էջ 122:

³² Նույն տեղում, էջ 123:

³³ Մովսիսի Սորենացույ Պատմութիւն Հայոց, էջ 127—128:

³⁴ Նույն տեղում, էջ 128:

³⁵ Б. Н. Аракелян, Гарни I, стр. 41.



Նկ. 4. Պատերի III-դ դարերի խճանկար հատակի մի հատված



Նկ. 5. Անահիտ գիցուհուն Վերագրվող բրոնզե արձանի գլուխը
(Բրիտանական թանգարան)



Նկ. 6. Կմիկե առաքնների դար (Գառնի)

Բազմազան է խեցեղենը, ինչպես իր կիրառական նշանակությամբ, նույնպես և ձևերով ու պատրաստման տեխնիկական եղանակներով: Խեցեղեն անոթներից շատերը, մանավանդ խոհանոցային անոթները իրենց ձևերով և մշակման առանձնահատկություններով (անդորով պատելը, փալլեցնելը և այլն) կրկնում են տեղական հին օրինակները: Շատ անոթներ պահպանում են մշակման տեղական առանձնահատկությունները, սակայն իրենց ձևերով և պատկերների ու կանթերի մշակումով ցուցաբերում են մեծ ընդհանրություն Ասորիքի, հելլենիստական կենտրոնների, օրինակ Դուրա-Եվրոպոսի խեցեղեղենի հոտ³⁶: Գտնվել են խեցեղենի և ալյուրի նմուշներ, որոնք բնորոշ են հին աշխարհի համար և Հայաստանում երևան են եկել հարևան հելլենիստական երկրների մշակույթի ազդեցությամբ: Դրանց թվին են պատկանում ապակյա սրվակների նմանվող, բայց կավից պատրաստված անոթները (նկ. 6), օղակաձև հենակ ունեցող բլորակ ցածրադիր ափսեները՝ նման terra sigillata կոչվող ափսեների³⁷, բայց առանց լաքի և վարպետի նշանի, նկարազարդ մի կարաս, որը ուշ հելլենիստական գունազարդ խեցեղենի ուշագրավ նմուշ է: Հայաստանի մի շարք վայրերի առաջին դարերի դամբարաններում, մանավանդ Վաղարշապատում, Գառնիում և Աշնակում հայտնաբերվել են զգալի քանակությամբ ապակյա անոթներ (նկ. 7): Դրանք պատրաստվել են



Նկ. 7. Ապակյա սրվակներ (Գառնի)

երկու եղանակով՝ փչումով առանց կաղապարի և կաղապարի մեջ: Հայաստանում հայտնաբերված անտիկ ժամանակաշրջանի ապակեղենը իր ձևերով, մշակումով, գույներով բավականաչափ բազմազան է: Ման երկար վղով և ձվաձև ցածի մասով (կոլրայաձև) անոթների, գնդաձև միականթ և երկկանթ, հարթ մականթով և կանխլյուրներով զարդարված, ամֆորային ձևի, գլանաձև և այլ ձևի անոթների մի քանի տարբերակներ:

Կաղապարների մեջ պատրաստված անոթները ունենում են ուլեֆ երկրաչափական և այլ բնույթի զարդեր, իսկ մի դեպքում անոթի հանդիպակաց կողքերին կանացի գլուխ է պատկերված: Մի մանուշակագույն վեցանիստ անոթի վրա շրջված վիճակում տպված է ΓΕΡΜΑΝΟΣ: Փչելու եղանակով պատրաստված ապակյա նուրբ անոթների վրա հանդիպում են ուլեֆ և ներհրված կամ այլ գույնի ապակույց վերադիր զարդեր:

³⁶ The Excavations at Dura-Europos, Preliminary report of the ninth season of works 1935—1936, part II, New-Haven, 1946, pl. XXXVI.

³⁷ Г. Тирациян, Опыт периодизации истории материальной культуры древней Армении, «Տեղեկագիր» № 2, 1957, էջ 87:

Վերջապես գտնվել են նաև փորագրված և պատվող անիվի վրա հրդկված (шлифованные) անոթների նմուշներ:

Հայաստանում հայտնաբերված 1—3-րդ դ. դ. սպակեղենը բաղմազան է նաև իր դեկորատիվ ու երանգներով. բոլորովին անդուշն թափանցիկ ապակեղենի կողքին կան մանուշակագույն, կորալափ կապույտ գույնի, երկնագույն, բաց երկնագույն—կանաչավուն, դեղին նարնջագույն, բաց դեղնավուն, կանաչավուն, մուգ շագանակագույն ապակյա անոթներ:

Հայաստանում հայտնաբերված ապակեղենի զգալի մասը ներմուծված է Սիրիայից և Ասորիքի ապակեգործության այլ կենտրոններից, բայց կան և ապակեղենի աշակերտի նմուշներ, որոնք տեղական են: Վերջիններիս թվին կարող են վերագրվել երկարավիզ՝ ներքևում ձևավոր անոթները, զնդաձև, բաց երկնագույն և կանիլուրավոր մի կանթանի անոթները, որոնք ունեն շեղանկյունաձև պատկերներով զարդագոտի:

Տեղական ապակեղենի նմուշներին թերևս պետք է վերագրել հաստ ապակուց պատրաստված և պատվող անիվի օգնությամբ հղկելու միջոցով բլթակավոր և ձվածիր պատկերների շարք կազմող գոտիներով զարդարված մեծ անոթը: Հայաստանում գտնված հղկված ապակին ավելի մոտիկ զուգահեռներ ունի Կովկասում (Օսեթիա, Ադրբեջան):

Փառնիի Վաղարշապատի դամբարաններում հայտնաբերվել են մեծ քանակությամբ զարդեր՝ մետաղե ականջօղեր, մատանիներ, կախիչներ, հայելիներ, քարից և ապակուց պատրաստված ճարմանդներ, ոսկրե վարսակալ քորոցներ և այլ իրեր՝ հուլունքների պատրաստված քարերից, ապակուց, սաթից, եգիպտական երկնագույն պաստալից և այլ նյութերից (նկ. 8):

Չարդաքանդակների թվում ևս կան ներմուծված և տեղական առարկաներ, որոնք նույնպես բաժանվում են երկու խմբի՝ ավանդական տեղական ձևերի զարդեր և հելլենիստական տեսք ունեցող զարդեր, երբեմն էլ այդ երկու ձևերը երևան են գալիս զուգորդված ձևով: Կարևոր է նշել, որ հելլենիստական բնույթի առարկաներ հայտնաբերվում են քաղաքների և ավանների ոչ հարուստ բնակիչների դամբարաններում, հետևաբար նրանք մուտք էին գործել այդ բնակչության կենցաղի մեջ:


Վերջին տարիների պեղումների ընթացքում Վրաստանում (Սամթավրո, Մցխեթ-Մթմազի, Բաղինեթի, Ուրբնեսի և այլուր) և Ադրբեջանում (Մինգեչաուր, կարասալին և կատակումբալին թաղումներ զանազան վայրերում, մանավանդ Գուրի և Արաքսի ստորին հոսանքների միջև ընկնող հովտում) երևան են եկել վերևում նկարագրված նյութերին համանման բաղմաթիվ նյութեր, որոնք կարևոր են Անդրովկասի հին մշակույթը բնութագրելու տեսակետից:

Հին Հայաստանի նյութական մշակույթի, մասնավորապես Փառնիի պեղումների շնորհիվ հայտնաբերված նյութերի ուսումնասիրությունը հանդեցնում է հետևյալ եզրակացություններին.


1. Հին Հայաստանի նյութական արտադրությունը, տնտեսական և հասարակական քաղաքական կյանքը 1—3-րդ հասել էր բավականաչափ բարձր մակարդակի, որով և պայմանավորված էր այն ժամանակաշրջանի մշակույթի մակարդակը: Այդ մշակույթը, սկսած 3-րդ դ. մ. թ. ա. կորցնում է ոչ միայն նախնադարյան համայնական հասարակության, այլև հին Արևելյան մշա-

կուլթներին բնորոշ գծերը և նկատելիորեն ստանում է հելլենիստական կերպարանք:

Չ. Հելլենիստական կոչվող աշխարհի շրջանակներն ավելի լայն էին, քան սովորաբար պատկերացվում է, այդ շրջանակների մեջ մտնում էին նաև Հայաստանը և իր հարևան երկրները, որոնք այս կամ այն չափով դարձել էին հելլենիստական կուլտուրայի օջախները:



Նկ. 8 ա



Նկ. 8բ. Զարդեր, հին ավանդական ձևի և հելլենիստական բնույթի (Գառնի)

3. Հին Հայաստանի մշակույթի մեջ որոշակիորեն նկատվում է երկու ուղղություն՝ ժողովրդական ուղղությունը՝ իր հնամենի, ավանդական տեղական և հին արևելյան արմատներով և հելլենիստականը, որ իշխող ստրկատիրական ավագանու և քաղաքային աղատ բնակչության մշակույթն էր.

4. Մշակութային այս երկու ուղղությունները պատնեշված չէին մեկը մյուսից, նրանց միջև գոյություն ունեւր փոխադարձ կապ և փոխադարձ ներթափանցում. դրա շնորհիվ Հայաստանի մշակույթը ձևով էր բերում իրեն բնորոշ ինքնահատուկ գծեր: Հայաստանի հելլենիստական մշակույթի հուշարձանները ավելի մոտիկ են Միջագետքի և Ասորիքի հելլենիստական կուլտուրայի հուշարձաններին:

5. Հելլենիստական մշակույթը ուներ շատ ընդհանուր գծեր, սակայն նրա դարգացման մակարդակը տարբեր երկրներում միևնույնը չէր, բացի այդ, նրա գրեթե բոլոր տարրեր երկրների կոնկրետ պատմա-կուլտուրական պայ-

մասններում զուրկ չէին յուրահատուկ և ինքնատիպ գծերից: Վերջիններիս ուսումնասիրությունը հին աշխարհի հնագիտության և արվեստի մասնագետների առաջ ծառացած կարևորագույն խնդիրներից մեկն է:

6. Հելլենիստական մշակույթը Արևելքում առավել կենսունակ գտնվեց և հարատևեց նաև 1—3-րդ դ. դ., նկատելիորեն հարստանալով հոռմեական մշակույթի ազդեցությամբ, սակայն պահպանեց իր հիմնական գծերը և չդադարեց հելլենիստական լինելուց:

Б. Н. Аракелян

Основные черты материальной культуры древней Армении

Р е з ю м е

На основании изучения дошедших до нас письменных сведений и памятников материальной культуры, обнаруженных при раскопках старого Вагаршапата и Гарни, автор приходит к следующим выводам:

1. В I—III вв. до н. э. экономическая, общественно—политическая жизнь и материальная культура Армении достигли значительно высокого уровня. Эта культура уже потеряла черты, свойственные как культуре первобытно-общинного, так и культуре древневосточного общества и заметно приобрела эллинистические черты.

2. Круг эллинистического мира был значительно шире, чем обычно представляется; в него входили также Армения и соседние с ней страны, ставшие в той или иной мере очагами эллинистической культуры.

3. В культуре древней Армении ясно прослеживаются два направления: народное направление со своими местными и древневосточными корнями и эллинистическое, являвшееся культурой господствующей рабовладельческой знати и свободного городского населения.

4. В результате взаимодействия и взаимопроникновения этих двух направлений культура древней Армении приобрела своеобразные и самобытные черты.

5. Эллинистической культуре вообще свойственны многие общие черты, но в разных странах она достигла различного уровня развития и приобрела самобытные черты, изучение которых является одной из важнейших задач историков культуры античного мира.

6. Эллинистическая культура на Востоке проявила большую жизненность и продолжала развиваться до III в. н. э.; обогатившись под влиянием римской культуры, она не потеряла, однако, своего эллинистического облика.

B. N. Arakelian

Basic Features of Ancient Armenia's Material Culture

S u m m a r y

On the grounds of written information's study as well as that of the material culture's monuments disclosed at the excavations in old Vagharshapat and Garny, the author comes to the following conclusions:

1. In I—III cc. B. C. the economic, social-political life and material culture of Armenia reached high level. This culture had already lost the features peculiar both to the culture of primitive communal system and that of ancient oriental society and noticeably Hellenistic features.

2. The sphere of Hellenistic world was considerably broader than it is usually conceived; Armenia and the neighbouring countries, that had become more or less the breeding ground of Hellenistic culture, were members of it too.

3. One may clearly trace back two trends of the culture of ancient Armenia: the national trend with its local and ancient oriental roots and the Hellenistic one, which was the culture of the ruling slave-holding aristocracy and free urban population.

4. As a result of reciprocal action and mutual penetration of these two trends of ancient Armenia's culture acquired original and distinctive features.

5. Many common features are generally peculiar to the Hellenistic culture, but in different countries it reached different levels of development and acquired distinctive features the study of which is one of the most important tasks of antiquity's culture historians.

6. The Hellenistic culture in the East displayed great vitality and continued development up to the III c. A. D.; having enriched oneself under the influence of Roman culture they have not lost their Hellenistic manner however.